



## Universitätsbibliothek Paderborn

**Petri Petiti Philosophi & Doctoris Medici, Miscellanearum  
Observationum Libri quatuor**

**Petit, Pierre**

**Trajecti ad Rhenum, 1682**

Cap. III. Ejusdem Hieronymi locus de Timaeo Platonis, & Ciceronis interpretatione ejusdem dialogi, emendatur & explicatur. Item de Septenarii dignitate & mysteriis, Pythagoreorum nugae. & de vocibus ...

**urn:nbn:de:hbz:466:1-13245**

## CAPUT III.

Ejusdem Hieronymi locus de Timæo Platonis, & Ciceronis interpretatione ejusdem dialogi, emendatur & explicatur. Item de Septenarii dignitate & mysteriis, Pythagoreorum nuga. & de vocibus ἑδόνη, & ἑδομάς.

**S**ed eruditissimus Ecclesiæ doctor, lib. 2. commentariorum in prophetam Amos cap. 5. de Septenarii numeri dignitate & sacramentis disputans in calce disputationis: hoc etiam addit: Denique & captivitas populi Israel, templique subversio septuagesimo anno desolationis impleta est: & septem astra juxta numerum dierum dicuntur errantia. De cuius numeri sacramentis in Scipionis somnio plenus narrat Tullius: & obscurissimus Platonis Timæus liber est: qui ne Ciceronis quidem aureo ore fit planior. Quid est quod dicit septem dici astra errantia juxta numerum dierum? quem numerum? non enim explicat. Sine dubio deest vox, hebdomada: juxta numerum dierum hebdomadae. Qui etiam sequitur, prava interpunctione & inversione verborum obscurior factus est: Sic autem scribi debet: De cuius numeri sacramentis in Scipionis somnio plenus narrat Tullius, & obscurissimus Platonis Timæus: qui liber ne Ciceronis quidem aureo ore fit planior. Hæc de verbis: nunc quod ait plenus narrare M. Tullium de Septenarii numeri sacramentis in Somnio Scipionis, inter memoriarum labantis peccata referre haud dubitem, quod longa intermissione eorum studiorum quorum perfectio in Ciceronis & similiūm auctorum assidua lectione versatur, parum, quid eloquentiae Romanæ parens in eo Somnio ageret, recordari posset. Non enim, opinor, quis-

quisquam dixerit mutilum eo loco esse M. Tullii codicem, neque quisquam id haec tenus suspicatus est. Sane ibi M. Tullius de Septenarii potestate; verum per pauca attingit, leviter & strictim, nedum plene: nempe duplum tantum proprietatem: quod scilicet is numerus sit *plenus*: & quod omnium rerum fere sit *nodus*. ceterum neque quis numerus *plenus* dicatur, & quomodo septenarius *plenus*, explicat. Multo minus quomodo omnium rerum esse *nodus* intelligatur. Quæ omnia *Macrobius* copiose & diserte in *commentario* ad hanc fabulam *Ciceronis* exsequitur.

Non minus illudit nobis *Hieronymus*, cum nos admonet *Timæum Platonis* ne *Ciceronis* quidem aureo ore fieri planiorem. Quasi nuda & simplex versio quam *Cicero* dedit ejus *Dialogi Platonis*, quantumvis elegans, magnopere rerum quæ in eo tractantur, ignaros juvare possit; quarum obscuritatem vix *Platonicorum* doctissimi justis commentariis depellere potuerunt. Hinc proverbium: *numeris Platonis obscurius*. quod *Cicero* usurpat in *epistolis ad Atticum* lib. 7. *Ænigma Oppiorum ex Velia plane non intellexi: est enim numero Platonis obscurius*. Idem lib. 2. de *Finiibus*, de iis qui ita loquuntur, ut non intelligantur, verba faciens: *Quod (inquit) duobus modis sine reprehensione fit: si aut de industria facias, ut Heraclitus, qui cognomento σολειώς perhibetur, quia de natura nimis obscure memoravit: aut cum rerum obscuritas non verborum facit, ut non intelligatur oratio: qualis est in Timæo Platonis*. Quibus ex locis appareat Latine quidem conversum a *Cicerone*, *Platonis Timæum*, sed non intellectum. Non enim necesse est, si quis alicujus auctoris verba in aliam linguam transferat, ejusdem vim verborum & sententiarum profunda esse animo complexum. Neque *aureum* istud os ad rerum intelligentiam multum affert legentibus momenti, si studium desit & eruditio. Illud interim fatendum est, quod *Hieronymus* dicit, obscurissimum esse hunc *dialogum*, quod sane varietas

tas & multitudo expositionum testatur, hujus *Dialogi*, præ aliis *Platonis*. vix enim aliquis paulo magis in *Platonis* dogmate versatus & eruditus, qui non in ea palaestra sudaverit. Quorum memoria ad me pervenit ferme hi sunt: **Crantor**, antiquissimus *Platonis* interpres: **Atticus**, **Ptolemæus**, **Albinus**, **Dercyllides**, **Theodorus**, **Clearchus**, **Plutarchus**, **Longinus**, **Origines**, **Proclus** is, qui *Diadochus* cognominatus est, cujus etiamnum *commentarii* exstant in eum *dialogum*, quos universæ Græcorum philosophiæ thesauros vocare licet. quibus **Chalcidius** illis posterior adjungi potest.

Ceterum de numeri *septenarii* potestate omnia, ut ille ait, jam vulgata. Et profecto magna hujus dignitas in natura. Nec minus propterea irridendi sunt quidam, qui de occasione sumpta nugacissimis observationibus libros referserunt. Quarum specimen videre est apud *Gellium* lib. 3. cap. 10. ex *Varronis* libris *Hebdomadum*. Sed & apud *Aristotelem* lib. 14. *Metaphysic.* cap. 6. quo loco Pythagoreorum de hoc numero nugas ridet: Επὶ τὰ μὲν φωνὴν αὐτὸν χορδαῖς, οὐδὲν οὐδὲ πλειάδες. Εν επὶ τὰ δὲ οὐδόντας οὐδὲν τάλλει ἔνιάγε, ἔνια δὲ οὐ. επὶ τὰ δὲ οἱ θῆρες Θήρες. οὐδὲ οὐνότι τοιοσδιός αριθμὸς πέφυκε, διὰ τοῦτο οὐκέπεινοι εγένοντο επὶ τὰ οὐδὲν πλειάδες επὶ τὰ αἰσέρων ἐσιν; οἱ μὲν διὰ τὰς πύλας, οὐδὲν τίνα αἰτιαν; εἰ δὲ ημεῖς οὐλως αριθμοῦμεν, τὴν δὲ αριθμοῦ γε δώδεκα, οἱ δὲ πλειάς. i. Septem quidem vocales, septem autem chordæ, aut harmoniae, septem vero pleiades, in septem autem (mensibus) quædam animalia emitunt dentes: quædam vero non. Septem etiam qui ad Thebas. Utrum igitur, quoniam talis quidam numerus suapte natura aptus est, ideo aut illi fuerunt septem, aut pleias septem stellarum est? An hi quidem propter portas Thebarum, aut aliam quandam caussam? Ceterum omnino nugatorum nugacissimus *Ptolemæus* *Hephaestio*, apud *Photium*, caussam cur septenarius perfectus censeatur hujusmodi profert, nescio cujus *Theodori Samothraco-*

MISCELL. OBSERV. CAP. IV. 159

thracis auctoritate: Τὸν δὲ Δία γεννθέντα, ὅπερ εἴπει τὸ ημέρας  
ἀκαλάπταντος γελάσαι, καὶ διὰ τόπο τέλειον οὐδὲν δέδομεν  
αργιθμός. Ζορέμ (ait) statim a nativitate totos septem dies  
continenter risisse: ob eamque caussam perfectus existimatus est  
septenarius numerus. Multorum igitur de Septenario numero  
commentarii exstiterunt: inter quos & Cebes Socraticus u-  
num scripsierat dialogum titulo, Εἰδόμην, auctore Laertio:  
Καὶ τέττα (Κέκηλος) Φέρονται διάλογοι τρεῖς, Πίναξ, Εἰδό-  
μη, Φεύνιχος. Interpres septimam verit, pro septena-  
rio: ignorans ἐδόμην ita accipi interdum. Thomas Magi-  
ster: Εἰδόμην, οὐ μόνον ἡ μέλα τὰς ἐξ μενάδας μονάς, αλ-  
λακαὶ ἀπας ὁ εἴπει αργιθμός. Vox ἐδόμην non solum unitatum  
septimam significat; sed etiam totum numerum septem. pro-  
bat autem auctoritate Aeschylī. Et vice versa ἐδόμης non so-  
lum septem, sed etiam septimam unitatem notat.

CAPUT IV.

Eiusdem Hieronymi locus, de pedum multitudine in  
insectis, & serpentum incessu. Et quid de his Ari-  
stoteles?

**G**Dem venerandus scriptor in tertia *Apologia ad-*  
*versus Ruffinum*, quædam sibi ab eo ex natura-  
li disciplina ἀπορεῖ, hoc est, inexplicabilia  
proponi ad solvendum conqueritur: Ut postquam  
(inquit) me hæc nescire respondero, tutο tibi liceat de anima-  
bus ignorare, & unius rei scientiam, tantarum rerum ignora-  
tione compenses. Satis perplexa oratio: quæ tamen sic intel-  
ligi potest: Quasi ignorante Ruffino quiddam controver-  
sum de animæ natura, quod Hieronymus noslet; vicissim  
longe plura de rerum aliarum naturis nesciente Hieronymo,  
Ruffi-